

UNIVERZITET U TUZLI  
UPRAVNI ODBOR  
Broj: 04-6005-1-8/24  
Tuzla, 25.10.2024. godine

Na osnovu člana 51. tačka s) Zakona o visokom obrazovanju-prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22), člana 50. stav (1) tačka e) Statuta JU Univerzitet u Tuzli – Prečišćeni tekst, a u vezi sa članom 17. Zakona o javnim nabavkama („Službeni glasnik BiH“, broj: 39/14, 59/22 i 50/24), na prijedlog Rektorice Univerziteta, Upravni odbor Univerziteta u Tuzli, na sjednici održanoj 25.10.2024. godine, donio je

**ODLUKU**  
**o izmjenama i dopunama Odluke o usvajanju Plana nabavki**  
**Univerziteta u Tuzli za 2024. godinu**

**I**

U tački I Odluke o usvajanju Plana nabavki Univerziteta u Tuzli za 2024. godinu broj: 04-1478-1-1/24 od 20.03.2024. godine, broj: 04-2447-1-4/24 od 06.05.2024. godine, broj: 04-3154-1-6/24 od 05.06.2024. godine, broj: 04-3850-1-2/24 od 10.07.2024. godine i 04-4805-1-5/24 od 11.09.2024. godine vrši se izmjena i dopuna koja je prikazana u tabelarnom pregledu koji su sastavni dio ove Odluke

**II**

Ukupan zbir u tabeli I kolona 6. (Vlastiti prihodi) i kolona 9. (Ukupno) se mijenja i glasi: 4.968.308,90 KM bez PDV (kolona 6) i 14.437.478,03 KM bez PDV (kolona 9).

**III**

U ostalom dijelu Odluka o usvajanju Plana nabavki Univerziteta u Tuzli za 2024. godinu, ostaje nepromijenjena.

**Obrazloženje**

Prorektor za naučno-istraživački rad, po ovlaštenju Rektorice Univerziteta u Tuzli je dostavio Upravnom odboru Prijedlog broj: 01-5989-1/24 od 22.10.2024. godine, kojim je predložio izmjene i dopune Odluke o usvajanju Plana nabavki Univerziteta u Tuzli za 2024. godinu. U obrazloženju prijedloga navodi se da je Inicijativu za izmjenu i dopunu Plana nabavki za 2024. godinu dostavio Prorektor za osiguranje kvaliteta i internu evaluaciju, 11.09.2024. godine u kojoj je obrazložio potrebu za dopunu Plana nabavki za 2024. godinu sa stavkom *Usluge revizije Glavnog projekta rekonstrukcije i sanacije Univerzitetske sportske dvorane* jer je potrebno u skladu sa Zakonom o prostornom uređenju i građenju izvršiti reviziju projekta. Predloženi iznos je 2.000,00 KM bez PDV-a na osnovu sprovednog ispitivanja tržišta.

Nadalje, dostavljena je Inicijativa za dopunu Plana nabavki sa stavkom nabavka SMART net licence za uređaje Firewall i Router u iznosu od 10.050,00 KM bez PDV jer je postojeća licenca istekla. Uz Inicijativu je dostavljeno obrazloženje mrežnog administratora sa analizom tržišta.

Takođe, dostavljena je inicijativa za uslugu nadogradnje platforme eUniversity u svrhu anretiranja studenata koje je predviđeno aktima Univerziteta sa dinamikom dva puta godišnje. U skladu sa navedenim zatražena je ponuda kreatora platforme za nadogradnju iste. Uvažavajući navedeno izvršena je dopuna Plana nabavki za stavku pod nazivom *Usluge nadogradnje platforme eUniversity* u iznosu od 4.000,00 KM bez PDV.

Zahtjev za izmjenu i dopunu Plana nabavki za 2024. godinu dostavljen je od Višeg stručnog saradnika u Odjeljenju javnih nabavki i investicija u kojem je detaljno obrazložena potreba za uvećanjem planiranih sredstava za slijedeće stavke:

-pod rednim brojem 33. „Nabavka državnih zastava“ su planirana sredstva u iznosu od 500,00 KM bez PDV-a već realizovana. Zbog jakog vjetra i nevremena uništeno je mnogo državnih i univerzitetskih zastava, neke su pokidane a neke od njih su izbljebile od jakog sunca. Uzimajući u obzir da idu državni praznici i razne manifestacije na Univerzitetu, postoji potreba za nabavkom novih zastava u objektima Univerziteta u Tuzli. Na navednoj stavci je povećan iznos na 6.000,00 KM bez PDV-a iz vlastitih sredstava;

- pod rednim brojem 38. planirana sredstva za „Usluge prevoza“ u iznosu od 5.000,00 KM bez PDV-a iz vlastitih prihoda su već skoro realizovana. Navedena sredstva su potrošena za prevoze studenata za edukativno i praktično usavršavanje prilikom posjeta određenim firmama, te susretima sa studentima drugih Univerziteta itd. Obzirom da su preostala još dva mjeseca do kraja tekuće godine, da je počela nastava u zimskom semestru, da ide godišnjica Univerziteta postoji mogućnost da se ponovo organizuju prevozi studenata na razne edukacije, prevozi nastavnog osoblja ili neki drugi prevozi, izvršena je izmjena i dopuna Plana nabavki za 2024. godinu dodata još jedna nova stavka „Usluge prevoza“ u iznosu 4.000,00 KM bez PDV-a iz vlastitih prihoda;

-pod rednim brojem 100. planirana sredstva za „Usluge reprezentacije (cvijeće, pokloni i ostalo)“ u iznosu od 4.000,00 KM bez PDV-a su u velikoj mjeri realizovana. Obzirom da ide godišnjica Univerziteta, razne svečanosti kao promocija diplomanata, magistranata i doktoranata, da ide obilježavanje Dana državnosti, obilježavanje Dana rudara i dr., izvršena je dopuna Plana nabavki za 2024. godinu i dodata nova stavka „Usluge reprezentacije (cvijeće, pokloni i ostalo)“ u iznosu od 5.000,00 KM bez PDV-a iz vlastitih sredstava;

-pod rednim brojem 120. „Usluge korićenja godišnjih kartica za 2022. godinu i 2023.godinu“ planiran je iznos 1.000,00 KM bez PDV-a. Obzirom da pored korićenja godišnjih kartica u Računovodstvu imamo korićenje i dodatnih knjiga iz Pravne službe koje su obavezne u skladu sa Pravilnikom o arhivskom i kancelarijskom poslovanju, izvršena je izmjena na navedenoj stavci i povećan iznos na 6.000,00 KM bez PDV-a i izvršena je izmjena naziva nabavke u naziv „Usluge korićenja“;

-pod rednim brojem 108. „Usluge medija“ planirano je 2.000,00 KM bez PDV-a iz vlastitih prihoda. Obzirom da predstoji godišnjica Univerziteta, da su planirane razne aktivnosti koje će biti praćene medijima, izvršeno je povećanje na navedenoj stavci na 6.000,00 KM bez PDV-a iz vlastitih prihoda;

- pod rednim brojem 92. „Usluge hotelskog smještaja gostujućih profesora i gostiju Univerziteta u Tuzli“ planirano je 30.000,00 KM bez PDV-a. Nabavka je sprovedena i realizacija smještaja je u toku te je do sada realizovano oko 23.547,00 KM bez PDV-a. Obzirom da je krenula nastava na zimskom semestru, da imamo planiranih oko 300 noćenja gostujućih profesora koji dolaze na izvođenje nastave na I, II i III ciklusu, da ide konferencija na Fakultetu za tjelesni odgoj i sport i da ide godišnjica Univerziteta u Tuzli kada ćemo imati i gostiju na Univerzitetu, dodata je nova stavka „Usluge hotelskog smještaja gostujućih profesora i gostiju Univerziteta u Tuzli“ u iznosu od 30.000,00 KM bez PDV-a iz vlastitih prihoda.

Rektorica Univerziteta je prihvatila prijedloge i Upravnom odboru predložila izmjene i dopune kao u dispozitivu ove Odluke.

Na sjednici od 25.10.2024. godine, Upravni odbor je razmotrio Prijedlog i obrazloženja izvjestilaca, iste prihvatio uz korekciju pod rednim brojem 33. Tabelarnog pregleda izmjena „Nabavka državnih zastava“, te jednoglasno prihvatio da ta stavka nosi naziv: „Nabavka zastava“.

Nakon toga Upravni odbor je i donio Odluku kao dispozitivu.

#### DOSTAVLJENO:

1x Rektorica

1x Direktor za ekonomske poslove

1x Odjeljenje javnih nabavki


1x Ured za međuuniverzitetsku saradnju

1x Ured za osig. Kval. i internu evaluaciju

1x Evidencija Upravnog odbora

PREDSJEDNIK  
UPRavnog ODBORA

Dr. sc. Semir Ahmetbegović, vanr. prof.



U tabeli I dodaju se nove nabavke pod rednim brojevima: 40.1; 137.7; 137.8; 137.9; 137.10; 190.2 i glase:

| Fakultet/ org. jedinica | Ekon. kod | Predmet javne nabavke   | Finasiranje iz Budžeta KM bez PDV | Vlastiti prihodi KM bez PDV | Primljeni tekući transferi i donacije KM bez PDV | Primici u KM bez PDV | Ukupno (5+6+7+8) | Vrsta postupka                         | Okvirni sporazum | Podjela na LOTove | Okvirni datum pokret.nabavke | JRJV                       | Napomena |
|-------------------------|-----------|---|-----------------------------------|-----------------------------|--|----------------------|------------------|--|------------------|-------------------|------------------------------|----------------------------|----------|
| 2                       | 3         | 4   | 5                                 | 6                           | 7  | 8                    | 9                | 10                                     | 11               | 12                | 13                           | 14                         | 15       |
| UNIV                    | 6135      | Usluge prevoza  |                                   | 4.000,00                    |  |                      | 4.000,00         | Direktni sporazum                      | NE               | NE                | 01.11.24.                    | 60000000-8                 |          |
| UNIV                    | 6139      | Usluge revizije Glavnog projekta rekonstrukcije i sanacije Univerzitetske dvorane |                                   | 2.000,00                    |  |                      | 2.000,00         | Konkurentski zahtjev za dostavu ponuda | NE               | NE                | 01.11.24.                    | 98390000-3                 |          |
| UNIV                    | 6139      | Usluge reprezentacije (cvijeće, pokloni i ostalo)                                 |                                   | 5.000,00                    |  |                      | 5.000,00         | Direktni sporazum                      | NE               | NE                | 01.11.24.                    | 031221200-7<br>223120000-0 |          |
| UNIV                    | 6139      | Usluge hotelskog smještaja gostujućih profesora i gostiju Univerziteta u Tuzli    |                                   | 30.000,00                   |  |                      | 30.000,00        | Aneks II                               | NE               | NE                | 01.11.24.                    | 55100000-1                 |          |
| UNIV                    | 6139      | Usluge nadogradnje platforme eUniversity  |                                   | 4.000,00                    |  |                      | 4.000,00         | Direktni sporazum                      | NE               | NE                | 01.11.24.                    | 72212482-1                 |          |
| UNIV                    | 8215      | Nabavka SMARTnet licence za uređaje Firewall i Router                             |                                   | 10.050,00                   |  |                      | 10.050,00        | Otvoreni postupak                      | NE               | NE                | 01.11.24.                    | 48009000-8                 |          |

U tabeli I mijenjaju se nabavke pod rednim brojevima 33.; 108.; i 120. i glase:

| Fakultet/ org. jedinica | Ekon. kod | Predmet javne nabavke | Finasiranje iz Budžeta KM bez PDV | Vlastiti prihodi KM bez PDV | Primljeni tekući transferi i donacije KM bez PDV | Primici u KM bez PDV | Ukupno (5+6+7+8) | Vrsta postupka    | Okvirni sporazum | Podjela na LOTove | Okvirni datum pokret.nabavke | JRJV       | Napomena |
|-------------------------|-----------|-----------------------|-----------------------------------|-----------------------------|--|----------------------|------------------|-------------------|------------------|-------------------|------------------------------|------------|----------|
| 2                       | 3         | 4                     | 5                                 | 6                           | 7  | 8                    | 9                | 10                | 11               | 12                | 13                           | 14         | 15       |
| UNIV                    | 6134      | Nabavka zastava       |                                   | 6.000,00                    |  |                      | 6.000,00         | Direktni sporazum | NE               | NE                | 01.11.24.                    | 35821000-5 |          |
| UNIV                    | 6139      | Usluge medija         |                                   | 6.000,00                    |  |                      | 6.000,00         | Aneks II          | NE               | NE                | 01.11.24.                    | 92200000-3 |          |
| UNIV                    | 6139      | Usluge koričenja      |                                   | 6.000,00                    |  |                      | 6.000,00         | Direktni sporazum | NE               | NE                | 01.11.24.                    | 79971200-3 |          |